

Parke Nacional Arikok awor si por bira ehempel pa region

Minister Lee observando inovacion y trabaonan di construccion den parke



STA. CRUZ -- Diabierna ultimo, 8 di Augustus 2008, Minister encarga cu parkenan di naturaleza, sr. Tai Foo Ramon Lee, a haci un recorrido di trabao na Parke Nacional Arikok pa asina experiencia pa su mes e inovacionnan cu ta tumando lugar pa haci nos parke nacional un ehempel pa henter caribe. Cu e trabaonan di construccion di e caminda, e centro di

bishitante y e facilidadnan di oficina, hopi avanza y visibel awor, ta resalta e adelanto grandi cu lo haci Parke Nacional Arikok bira un ehempel pa henter region.

Un caminda traha cu material alternativo y cu ta cuadra den e paisahe natural, tabata diseña pa maneha tanto e corida di awa como e velocidad di vehiculo motoriza den

e parke, mientras ta permiti haci uso di e parke como atraccion pa asina genera fondo pa cubri su gastonan. E oficina di parke ta situa strategicamente pa supervisa e entrada di parke y tambe ta haci uso di naturaleza pa ventilacion, reduciendo asina e necesidad di aircu y energia. Tanto e oficina como e centro di bishitante

lo conta cu metodonan alternativo pa genera electricidad, haciendo e parke nacional di Aruba sirbi como ehempel pa henter nos region. E centro di bishitante, unavez cla y poni den servicio, lo sirbi pa acumula bishitante, suministra informacion como tambe actua como museo pa naturaleza y aula di les pa educacion di naturaleza di Aruba. Tur esaki ta haci nos Parke Nacional unico den region di Caribe y lo laga esaki sirbi como prototipo pa otro parkenan rond mundo. Desde 2001 Minister Lee a pone su empeño pa Parke Nacional Arikok bira un instancia respeta den comunidad cual ademas ta contribui na nos economia. Desde 2002 Minister Lee a formaliza e fundacion independiente pa maneha e parkeconformeeordenanza pa proteccion di naturaleza y percura pa hermentnan necesario pa un bon maneho. Haciendo uso di e cooperacion esplendido

di Departamento di Asunto Economico cu a logra via di Fondonan di Union Europeo logra un inversion di 6 miyon euro, a cuminsa cu trabaonan di construccion cual awe ta visibel na e parke.

Durante e recorrido, representantenan di diferente instancia, incluso e management team di parke, directiva di e fundacion, compania di construccion y tambe despacho di e minister a mira, pone man y sinti pa nan mes, e adelantonan den parke. Pa fin di aña ta spera cu e trabaonan ta den nan fase final y cu poco poco un y tur por cuminsa acudi na esaki. Mientrastanto, Minister Lee ta haci un yamada na publico tambe pa tene comprension cu e parke ta cera pa motibo di construccion y e acceso ta limita. Por favor coopera cu e parkrangers pa asina, hunto, nos tur yuda e proceso pa mehora e parke y protege nos naturaleza.



**TA BENDE
FORD SPORT TRAC
AÑA 2004 - BLANCO
AWG.15,000.00
(prijs ta negociable)
YAMA : 593-0073**

